



精選點板崑調十部集樂府先春上卷

松江 陳眉公

長樂部
振聲書

徽郡 謝少連 校

○二郎神

潘雪松

才郎去綠鬢嫦娥懶去梳世上相思偏害我分明是打
破鶯儔燕侶鸞雛滾滾波濤滄斷藍橋路這姻緣偏將
人間阻合添淒楚怕的是孤枕無眠漏滴銅壺

集賢賓

臨行去時記得元宵十五燈兒下再三囑付楊柳含煙
初到如今挨過清明夏又過枉痴心終朝卜課傷

我且自開懷不須眉鎖

黃鶯兒

提起便心孤想他每不是薄倖徒他將牡丹移過把薔薇補莫非他棄奴莫非他有小蘇莫非他枕邊別戀多嬌婦事模糊因何日久書信半行無

香柳娘

是深閨少年是深閨少年出門不慣未曾舉步心先戰過花邊柳邊過花邊柳邊月色射虛簾雕梁獨棲燕這風流在眼前這風流在眼前蘭房洞天那人羞見

黃鶯兒

雙燕入簾櫳見他們愁倍濃幾番血淚如泉湧秋波漲紅春山減容慊慊鬼病看看重恨無窮鴛衾久冷何日得再相逢

香柳娘

想多才未眠想多才未眠孤燈爲伴陽臺路杳何辭遠過山前水前過山前水前明月樹頭懸驚鳥翅展轉這風流在眼前這風流在眼前蘭房洞天那人羞見

貓兒墜

偷將衫袖輕把淚珠敷驀聽得窻前將奴小字呼不由身子不麻蘇天付好一似病得仙丹早逢甘露

尾聲

相逢謾把衷腸訴舊恨新愁說不盡苦準備着捲地風雲一海波

懶畫眉

沈青門

寶花欄十二玉亭亭月轉層臺香霧凝嬌娥有約在初更徘徊立遍蒼苔徑驀被柳影風搖幾度驚

不是路

悄悄冥冥只見他轉過沉香六角亭簾櫳映依稀環珮夜無聲乍逢迎對籠雙袖梨花冷寶釧金寒玉腕冰嬌癡性却纔相迓還相倩軋驚不定戰驚不定

皂角兒

香枕挨銀泥翠屏煖烟鋪紫藤花梳解酥胸卸脫珍珠吐丁香臉偎仙杏怎禁他任狂蜂隨浪蝶倒青鸞顛繡鳳喘吁不定親短命低叫幾聲悄一似東風未曉月底聞鶯

尾聲

分明人在神仙境一段巫山夢未醒明夜還來花下等

二郎神

張東海

寄來書千言萬語都說道情未堅一水如同隔楚天想日枕畔盟言曾許我種玉藍田到如今被滾上波濤

北藍橋滄那浪蝶把名花污染我也無緣再圓思沉
沉默上無言對鏡羞顏

集賢賓

從來好事皆在天誰知兩下無緣比宋玉憂愁增萬千
向書齋度日如年娘心見偏聽讒言將人逐趕難相見
對孤燈悶懷淚漣

咏木兒

休埋怨枉嘆息只爲蠅頭把恩愛撇冷落了軟玉溫香
害得人沈腰瘦怯我爲他被多人見怪成磨滅他爲我
被賓朋笑道忘家業只爲一曲陽關番成兩怨嗟

三段子

你道牆花可拆我當你一似嫦娥在月病容瘦怯兩眉
峰攢成萬疊並香肩同拜瑤臺月山盟設盡言猶熱
下得辜恩成永訣

前腔

當初乍別剪青絲將紅綾帕結陽關唱徹酒入愁腸化
成淚血道此行休戀閒風月逢花莫把奴拋撇此語記
在心頭教我待丟怎捨

滴溜子

後歸來後蘆花明月青樓靜青樓靜繡簾半揭這

心從頭打疊相思病已成懨懨瘦怯便死向黃泉這
靈心待伊淚方成灰滅

尾聲

風流惹下風流孽笋在包時難見節直待相逢謾說

二郎神

蕭爽齋

新睡起厭輕暖輕寒減玉肌攄指裏匆匆春又去鞦韆
架底墜幾脉盈紅雨燕子來時人未歸聽枝頭聲
杜宇知何處望斷玉勒雕輪古道長堤

前腔

當時花前共你新婚燕爾憶鸞鳳嗚飛綠綺誰料名

利驅人鳳別鸞離連理春風番做牆外枝冷重門笙歌
院宇知何處望斷芳草垂楊綉陌香堤

集賢賓

蕭閑欲待尋君去綉鞋怎解驅馳好似遊絲索蝶翅飛
不過層樓十二一江綠水難抵我一春紅淚人萬里嘆
錦字啼痕空寄

前腔

金鈎綉簾紅半起倚闌凝望天涯羞見春雲催暮雨飛
過了巫山十二一庭舞絮都是我一腔愁緒人萬里嘆
素音沉無寄

黃鶯兒

香篋歛紅絲拂花箋製小詞筆尖兒倒寫鴛鴦字心兒
頓灰淚兒亂垂修眉兩葉愁封翠綉羅幃悠悠春夢飛
過大江西

前腔

朝露濕羅衣傍茶縻折一香叢忽見花同蒂情兒頓
迷意見似癡綉鞋立徧蒼苔言春夢不得
到遠西

猶兒墜

戍樓天外黯黯亂雲低腸斷征人畫角吹黃河何日洗

兵車傷悲怎禁他塵鎖粧臺月滿空闌

前腔

龍沙漠漠斷磧水霏霏朔氣遙憐冷鐵衣黑山何日捲
旌旗傷悲怎禁他香燼薰爐燈暗深闌

尾聲

腰肢瘦來金蟬細樂遊原上草淒淒只恐歸期過綠時

好事近

五

李石麓

東野翠烟消喜遇芳天晴曉惜花心性春來起得偏早
教人探取問東君肯與春多少見丫鬟笑語回言道昨

棠開了

前腔

今朝特地到西郊，端的是萬紫千紅爭巧。花情酒債，我
一生被他索惱。雕鞍駿馬，會王孫貴戚，把金樽倒有時。
節沉醉花前，終日間宴樂陶陶。

千秋歲

杏花梢間着梨花雪，一點點梅豆青。小流水橋邊流水
橋邊，只聽得賣花聲聲頻叫。鞦韆外遊人道，又聽得粉
牆內佳人歡笑。笑道春光好，把花籃漸簇食，鬢高挑。

前腔

俊多嬌，他只顧貪歡笑，却不道冷地裡有箇人，瞧綠柳

陰中綠柳陰中，藏羞暗折花枝。來到低低問奴家，親把
花貌爭多少。又被木郎惱道：花姿勝似奴貌，妖嬈。

越恁好

鬧花深處鬧花深處，滴溜溜酒旆。牡丹亭坐，
尋侶伴，鬪百草。翠巍巍柳條，見忒楞楞曉
鶯兒飛過樹梢，撲簌簌亂紅舞。翩翩粉蝶兒飛過畫橋，
一年景四季中，惟有春光最好。向花前暢飲，月下歡笑。

前腔

乍晴還乍雨，乍晴還乍雨。暖溶溶景致，饒見遊人往來。
來貪歡笑舞，鮫綃鬧咳。咳笑高鬧，咳笑高見骨碌。

小車兒乘着艷嬌嬌滴滴臉兒弓彎彎小脚兒一捻
舞纖腰十分俏畫怎描惟有春心蕩了怎教人對景辜
負年少

紅繡鞋

聽一派鳳管鸞簫鸞簫見一簇翠圍珠透珠透捧玉鐘
飲香醪歌金縷舞細腰任明月上花梢

前腔

花枝月滿多嬌多嬌三般鬪逞妖嬈妖嬈一樣景最波
悄花陰下鬧炒炒酒醒後夜深了

尾聲

從教酩酊眠芳草高把銀燈花下燒韶華易老休把春
光辜負了

六犯清音

文衡山

梁州序 瓊窓人靜未央天遠一似嫦娥無伴玉容消滅

教人到過芳年桂枝香 何處流紅葉無心整翠鈿耕歌

鶯將老恨轉添梨花院落冷鞦韆傍粉臺 怎如得雙雙

燕子在梁間語怎如得兩兩鴛鴦在沙上眠皂羅袍 長

門望月深巷鎖烟琵琶寫不盡思君怨黃鶯兒 恨綿綿

春寒尚淺何日裡侍溫泉

前腔

五章鐘動上林春曉繡帳輕寒猶峭夢回青瑣依然恨
積眉稍良夜愁中度花容暗裡消雕欄外望轉遙何日
得整鳳鸞交只願着朱輪照耀雲中駕只願着彩燕輕
盈掌上嬌紅顏命薄鸞館寂寥君王那處同歡笑好心
焦前生已誤再不把斷香燒

前腔

雕簷風煖香堦紅淺轉眼星移物換等閒春散難教玉
貌長妍睂鳥詩空在青鸞信不傳慵薰麝懶步蓮含情
無語倚欄杆怎禁得纖腰瘦怯愁如海怎禁得白晝凄
涼永似年晚涼時候別殿管絃柰重華咫尺無由見謾

埋冤從來薄命多只是紅顏

前腔

長生宮殿珠簾齊捲愛殺瑤臺月浦銀河星燦天孫此
際成歡競乞針穿巧誰憐扇葉捐釵拋鳳鏡掩鸞西風
吹鬢倍凄然怎能得簫韶共奏秦臺上怎能得雲雨同
行楚岫間慵題紅葉倦舞翠盤淚痕兒界破芙蓉面對
蒼天焚香暗禱願結此生緣

前腔

繡宮添線冰壺凝箭縱使梁園雪滿謝庭才健吟毫懶
化箋魚鑰收來晚龍樓閉後寒眉橫黛髻驪蟬粧成

好有誰憐只愁是畫圖誤寫玉嬌貌只愁是羅帶空
留白玉篇鴛鴦自守杯酒自拈奈新愁舊悶都難遣倚
窓前梅花和月應笑我孤眠

尾聲

病容添恩光淺望不見羊車來便始信人生際會難

步步嬌

朱射皮

萬里關山音書斷阻隔南來鴈欲將心事傳天樣花箋
寫不盡相思怨滴淚問金錢精神恍惚難推筭

江兒水

玉腕鬆金釧羅帶寬朱顏不覺愁中換去燕歸來人不

見想他迷留風月煙花館此際離愁無限要解愁腸對
景憑誰道遣

園林好

夜無眠嘆嫦娥獨宿在廣寒照人間千秋萬歡步
露濕金蓮惜花殘嫌月圓惜花殘嫌月圓

人月圓

敢敢在秦樓戀着管絃惡姻緣是偶然何日裏重跨青
鸞何日裏重跨青鸞俏臉兒和誰共眠不由人不淚漣

前腔

剪斷連枝分開並蓮把鴛鴦一雙七拆散杳然將菱

破何日裡再團圓何日裡再團圓

五供養

香消玉滅怎當他多愁多病多纏幾番勉強傷妝奩眉
峰不展又聽得誰家庭院朱絃金尊空琥珀寶鼎冷龍
涎一春辜負了海棠花前

僥僥令

雕鞍何日轉淚眼幾時乾好似線斷風箏尋不見好夢
也難成衾枕單

前腔

天台風月遠楚館雨雲懸一似祆廟烟飛藍橋斷好事

也難成春夢短

尾聲

東風桃李飛庭院落盡殘紅啼杜鵑可惜淒涼三月天

二郎神

梁少白

相逢久笑春來尚分飛依舊記軟弱身兒年紀幼重簾
不捲蕭條獨坐危樓為甚麼懨懨如病酒空恩愛未曾
消受莫淹留更不念匆上歲月如流

鶯啼序

錦堂風月今又秋參辰還自昂酉定非閑途路悠上不
魚鴈差謬柰花營唇鎗戰爭更錦陣心兵輻輳無共

薛出才人口便自
寫出溫柔生句

送

有只落得浪傳人口

簇林鶯

空挑鬪難斷頭為高唐雲雨收朝暮在陽臺右情
深怎休恩深怎丟因此上明知未偶還拖逗夢悠三
星天外空戴月如鈎

啄木兒

曾留戀幾浪游秋水春山常聚首記花陰清晝携琴想
燈前午夜藏闈更憶他修書漫捲羅衫袖高歌半解香
猴扣訂約偷回扇底眸

商溜子

天台渡天台渡桃花水流章臺路章臺路柳條報秋誰
道落人機殼崑崙是何處奴施妙手把往日恩情一旦
盡勾

水紅花犯

正值陽回九九被何人苦逗遛奈阻隔去無由冷颼颼
卿卿知否多應獨倚小窓幽東難投重門誰叩四五年
光陰虛度三兩行淚空流淒淒切切殢人愁也囉

尾聲

景淒涼人倏然相思業債幾時休直待要海燥江枯方

四

三皇天外初句
七田通元八矣

步步嬌九

顧涇陽

冤孽擔重愁城大瘦伶仃難擎架想起俏冤家剔透玲瓏風流典雅受不得分外親忘不了着人話

折桂令

霎時間不見冤家恰便是隔歲經年海角天涯夢化蝴蝶魂託杜宇腸斷歸鴉這些時睡魔神在我眼皮兒上住扎相思鬼在我心坎兒上安插行也思他坐也思他愁顏色鏡裡增添瘦腰肢帶內消乏

江兒水

掛一角姻緣號給一張離恨劄何時繳了淒涼價想他

的俏儀容想得我如呆復思他俊心腸思得我如聾啞獨掩書齋淚洒只爲他有不_{等閑}的風流教我出尋常的牽掛

鴈兒落

俺也曾偎着肩把手腕拍俺也曾隔着人使瓜子兒打俺也曾曾在席上偷眼瞧他也曾過尊前低聲罵呀只爲你知疼着熱俏冤家迤逗得筆硯慵親書兒懶拿你若無意傳統扇休留題託素帕冤家我爲你捱一刻如一夏嬌娃閃得我飯不飯茶不茶

僥僥令

爲你有風流情千種惹下我相思病一榻慾火燒心
潑不下又遇着愁泰山在我眉上壓

前腔

舉目不相見合眼夢見他安得一生都是夢和你呵兩
團圓到白髮

尾聲

慙慙寫就衷腸話默上寄與消冤家我想你是真情休
當假

金絡索上

梁少白

東風轉歲華院院燒燈罷陌上清明近細雨紛上下天

無限傷心淚

涯蕩子心盡思家只見人歸不見他合歡未久難拋舍
追悔從前一念差傷情處慙上獨坐小窓紗只見片上
桃花陣上楊花飛過了鞦韆架

前腔

楊花亂滾綿蕉葉初成扇翠蓋紅衣出水新蓮現金爐
一縷微蕪沉烟睡起紗厨雲髻偏無端好夢誰驚破風
外鶯聲柳外蟬羞臨鏡千愁萬恨對誰言只見舊恨眉
尖新淚腮邊界破殘妝面

前腔

雨皆細雨收翠幙新涼透衰柳殘荷正值愁時候近來

中人不喻此公意
此等離情化个
這楊子春何事

有減却舊風流爭奈新愁接舊愁白雪望斷天涯遠人
在天涯無盡頭相思病無明徹夜幾時休只見鴈過南
樓月下西樓人比黃花瘦

前腔

銀臺絳蠟籠翠幄金鈎控錦帳紅爐獨自無人共月明
初轉過小房櫳不放清光照病容愁聽畫角聲三弄吹
落梅花一夜感閑山夢魚沉鴈杳信難通孤眠人最怕
隆冬正值嚴冬做不就鴛鴦夢

步步嬌

張芳洲

雲掩黃昏天街靜獨步穿花逕遙尋夢裏人行過垂楊

咫尺樓臺近鳳皇池上月初明被一天暮雨都遮盡

江兒水

且返禪林路人家半有燈孤齋怕見衾和枕恨天不助
風流興把歡娛變作淒涼景今夜相思忒甚縱有美酒
千杯難破愁城萬仞

園林好

你雖占煙花首名我須是詞林後生兩下裡才名厮稱
今做了各巢鶯今做了各天雲

玉交枝

前情再省恨冤家心兒失真當初待我雲中杏今

似水上流萍古今難識婦人心痴迷莫過男兒性欲拋
離心中未忍欲相依衷情未審

人月圓

整整頓行囊登山邁嶺百歲姻緣成畫餅你聰明空似
文君你聰明空似文君怎將那相如做路人望長江照
此心望青天鑒此誠

僥僥令

見花思艷臉對月想情真九轉肝腸無着處都付與江
流日夜聲

前腔

雕梁慚燕壘茅店怕雞聲感昔懷今千行淚化作床頭
一片冰

尾聲

花香草綠年年景雨去雲來夜夜情且把前言書盡寄
與伊家知他省未省

桐梧樹

十三

鄭虛舟

香醪爲解愁酒醒愁依舊斜月殘燈正是愁時候愁憑
酒破除酒被愁迤逗酒力無多酒去愁還又愁深酒薄
難禁受

東歐令

花疑恨柳含羞花柳傷春人病酒鶯啼燕語清明候全
不管人憔悴殘雲剩雨兩悠悠遮斷晚粧樓

大聖樂

桃源洞花事都收許劉郎重到否啼痕濕透春衫袖傷
白傳惱江洲我這裏瑤琴罷却求鸞奏恰正是紅葉誰
人寄御溝陽臺夢杳苦追踪問跡似無還有

解三醒

忘不了共携纖手忘不了西園秉燭遊忘不了同心帶
結鴛鴦扣忘不了羅襪雙鈎忘不了香囊雜彩親挑綉
忘不了綺玉明珠絡臂鞦閒窮究把嬌歡美愛盡付東

流

尾聲

好姻緣難成就繡幃錦帳共綢繆葉底新詩再和酬

梁州序

陳五岳

長空如洗平波如掌兩岼青山相向畫船簫鼓偏宜老
去疎狂只見清凝丹鏡影徹冰壺冷透鮫鮪帳乘風來
去也泝流光碎擊空明桂棹長合銀海眩碧漾看瓊樓
玉宇高千丈須縱飲莫虛放

前腔

停杯相問騎鯨欲往脫落形骸豪宕恩袍宮錦曾依尺

五清光只見山河如舊湖海飄零風景添悽愴廣寒何處是舞霓裳遙隔銀河一水長合前

前腔

歎世情反掌無常又何必官居卿相縱繁華今日豈無興喪只見吳宮花草晉代衣冠俯仰皆榛莽清時難屢得且徜徉莫待愁添白髮長合前

前腔

看橫江白露瀼瀼忽風來涼生仙掌聽高樓何處笛聲嘹亮只見孤舟嫠婦千里佳人極目空惆悵故園松菊也已荒涼一水牽愁萬里長合前

節節高

深潭倒玉幢倚蘭漿賦詩橫梨風雲壯靈槎傍斗牛旁星河上九天零露仙衣爽紫雲玉樹何足尚百歲人生幾何時不必世途空勞攘

前腔

高歌窈窕章倚新腔光搖琥珀翻紅浪開新釀飛羽觴休推讓猛拚一飲千鍾量醉搖環珮傳清響凡事區區豈由人富貴倘來從天降

尾聲

乾坤萬里空凝望且開懷一醉何妨斗轉參橫夜未央

漁父一 五

李復初

恨只恨難逢易別記臨岐把歸期訂寫信只道是真誠
者又誰知前盟頓撇魚書鴈信皆沉滅物換時移更歲
中無言悶倚欄向東風錦屏花榭傷春觸景愁城登迨
存密初把春心漏洩

漁父二

纔織透反心腸硬似鐵謾臨風懊恨咬牙鉗舌風流事
頓成虛說浙零零扯斷連環結跣踉連枝輕錐截釵
玉玲瓏鏤鏤也瘦形骸一句嗶嚅

漁父三

記被底懽娛香肌緊貼脂口噴檀誓盟話樂素羅帕上
猩紅惹魚水相投情意恹似乾薪逢火烈一團攪熱姪
姻緣俄頃變週摺盈盈望雲山烟水除怎覓得合歡時
節

滴溜子一

明月下明月下金錢問徹妝臺上妝臺上靈著屢揲無
決難禁長夜香奩從不開塵封垢結針線慵拈鉛筆九
絕

滴溜子二

捱不過捱不過病危體怯聽不得聽不得風簷走鐵悲

咽野猿哀月聲聲不忍聞
寸腸欲裂推枕無眠兩行淚
血

滴溜子三

何日裡何日裡離鸞再合甚時得甚時得斷絃再接擺
設玉爐香爇雙雙拜上蒼相思妥貼效戲水鴛鴦首花
蝴蝶

尾聲

綉幃錦帳花燈燦
打疊起愁煩生喜悅地久天長
也

二郎神

王觀濤

人別後正七夕穿針在畫樓暮雨過紗窻涼已透夕陽
影裏見一簇寒蟬衰柳水綠蘋香人自愁况輕拆鸞交
鳳友合得成就真箇勝似腰纏跨鶴揚州

前腔

風流恩情怎比墻花路柳記待月西廂携素手爭奈話
別匆匆雨散雲收一種相思兩處愁鴈來時音書未有
八日前

集賢賓

西風桂子香韻幽奈虛度中秋明月無情穿戶牖聽寒
蛩聲滿床頭把空房自守暗數盡譙樓更漏合如病酒

這滋味那人知否

前腔

功名未遂姻緣未偶共蹙一箇眉頭惱亂春心卒未休
怕朱顏去也難留明珠暗投不如意十常八九合前

黃鶯兒

霜降水痕收見池塘已暮秋滿城風雨還重九白衣人
送酒烏紗帽戀頭思憶那人一似黃花瘦合強登樓雲
山滿目遮不得許多愁

前腔

惟酒可忘憂奈愁腸不帶酒幾番血淚拋紅豆相思未

休淒涼怎受老天知道和天瘦合

貓兒墜

綠荷瀟索無可益眠鷗淺碧淋漓漾遠洲羈人無力冷
颼颼合添愁俏一似宋玉賦高堂對景傷秋

前腔

無情紅葉偏向御溝流詩句分月求配偶此情還在我
心頭合前

尾聲

一年好景還重九正是橘綠橙黃時候強把金樽開懷
斷送秋

新水令

沈青門

一聲孤鴈送新秋，頓教人轉添憔悴。暝烟楓葉晚涼雨，桂花秋燕侶鶯儔。燕侶鶯儔甚時得重完就。

步步嬌

底事慊慊如中酒，鎮日眉長皺。浪子不回頭，着意沉吟。自也難穷究，欲訴恨無由。把相思就裡空傷憊。

折桂令

枉耽着閒悶，閒愁不在心頭，定在眉頭。只爲你心腸忒狠，語話全浮，寄離情書，何得有待相逢。夢也難求，着甚來由，曉夜無休，又不是魚水相懽，膠漆相投。

江兒水

有意花空待，無情水自流。看從前光景都非舊，恠西風吹起滄江皺。奈浮雲點破青山秀，觸處如何消受。淚顆無端展轉亂垂如斗。

鴈兒落

空只恁霧鎖了金梯，翡翠樓塵蒙了錦被。鴛鴦繡絃絕了，瑤琴寫鳳音篆燼了。玉鼎後，猊獸寂寞殺傳書白鴈。秋冷淡殺流詩紅葉溝，辜負殺對影青寫鏡。淒涼殺交歡碧玉甌，羞殺了偷香手。愁也麼愁，愁殺了枉離魂倩女遊。

僥僥令

涼浸閑庭宿雨收敗葉亂盈眸悶把年光閑屈指看重
陽又過頭看重陽又過頭

收江南

呀早知道是這般樣情分呵枉擲損玉搔頭空復把翠
銷封淚寄牢收翻做了波上一浮漚細思量轉羞則這
轉羞不覺西風吹老故園秋

園林好

那再說鴛交鳳友那再說鶯諧燕儔信是虛耽生受消
盡了玉般柔消盡了玉般柔

沽美酒

桃花溪楊柳樓茶蘼酒鷓鴣謳一任烟月空濛到處留
費盡了錦纏頭只管誇乖俏逞風流全不念星前交厚
全不念燈前罰呪我呵到如今總丟不休雖然罪尤似
讐呀見他時管取權顏如舊

清江引

姻緣分定終須有只是眼下難消受追想別離情豈盡
成虛謬免不得向人前問破了口

石榴花

章楓山

折梅逢使煩寄到金陵是必見那芳卿將咱言語記須

真一一的說與他聽自別來到今急煎煎遺不去心頭
悶似楊花覆去香來如芳草削盡還生

前腔

憑高眺遠望不見石頭城重山障亂雲凝茫茫都是別
離情只落淚眼盈盈恨不能生羽翎到妝臺訴與恁十
般恨有誰人知我幾微惟明月照人方寸

漁家傲

教人幾把欄杆凭只爲恁怎知我日夜相思更忘食廢
寢誰知近日多愁悶漸覺帶圍寬褪說與他莫學忘情
說與他决不學玉魁倖說與他莫學蘇卿說與他酒泛
銀瓶我也無心去飲說與他絃斷瑤琴我也無心再整
說與他茶飯上都難盡說與他怕聽雞鳴鐘聲報黃昏
送五更那時節我的愁悶轉增

前腔

想殺恁初相見志誠想殺恁笑來迎想殺恁體素龐兒
俊想殺恁花月下好句聯賡想殺恁叫着小名低低應
想殺恁對蒼天共盟想殺恁臨歧執手細叮嚀衷腸事
略略訴恁知己話難說與君聽正是匆匆萬事說不盡
煩君去傳與我多情他若聞必然淚零只怕他淚痕有
盡情難盡只落得兩處一般愁悶增

尾聲

梅花香裏傳春信，報道江南一種情。莫學凍蕊寒葩心，上冷。

黃鶯兒 九

古調

彈指怨東君，好直恁辜負人。冤家一夫無踪影，花枝懶簪脂粉，懶勻暗將心事，蒼天問。合冷清清，一春過了，怎得見意中人。

前腔

無語倚閒庭，不由人不動情。花間粉蝶相隨趁，鶯啼幾聲，鶯啼數聲，晚風吹落紅成陣。合前

六么 今犯多嬌

鴛鴦睡濃，菱荷香送，薰風懶將，綉扇掩酥胸。試把窓兒捲起，只見花影重。好景難逢，好景難逢，又見榴花照眼紅。

前腔

簾垂幾重，怎不遮蘭愁入芳容。總有美酒泛金鍾，少個人兒共飲，教我愁轉濃。好景難逢，好景難逢，又見荷花映水紅。

玉山頽犯

秋風早入庭闈，又見梧葉乍飛薄。情人杳沒，亂書寄淚。

彈點滴如珠闌干悶倚推幾個黃昏滋味合悵望人千里伊怎知又聽得樓頭上嘹嘹嚦嚦聲鴈兒

前腔

登高負却佳期羞覩黃花紫萸劣冤家戀酒迷花底想他還共別的尋占問上他許我綢繆佳配台前

二犯猶兒陸

幾回猛省發愿和你斷相思不覺腰肢減帶圍沉吟半晌心轉癡只落得背地長吁氣瘦損呵情人在那裡瘦損呵黃花怎比

前腔

晚風吹雨番作六花飛江上漁翁罷釣歸寒威透入銷金帳裡天天怎教奴獨睡瘦損呵冤家在那裡瘦損呵梅花怎比

尾聲

有封書無人寄魚沉鴈杳信音稀盼殺多情不見歸

八聲甘州

張峒初

玉盤金餅看漸離滄海飛上瑤京水輪不定輾破素秋千頃陰晴不吹清虛體圓缺常如一様明是誰將瓊樓玉宇妝成

前腔

以京金波不它編

今地如曉水淨于江

亦于江映美且各各

是惟將瓊樓玉宇

偷或才可寫交不勝

空想素娥在悔恨解

老立在天碧海夜

怎惹孤另仙家難免

離別苦長系難解

每莫情有誰時時

它園怨傳下清冥

園缺陰晴總是人

日天上村斷偏稱清

歸翠一竿翠妖嬈

輕盈吹葉弄玉袖

解佩在瓊嬈迎娉

從以細訴風流交

地何春春月勝勝元

外有千金一刻珍

自後上之傲靜玉早

去皆照播玉於

偏細晴倦是難

奈高處不勝清冷想素娥應悔誤餌長生青天碧漢夜
夜怎禁孤另銀蟾不骨離別苦玉兔難醫寂寞情有誰
將桂枝零落銀屏

不是路

一片陰精占斷人間萬古情偏廝稱詩壇酒社俊雅人
太輕盈蓋世間風雲都總領普天下煙花大主盟娉婷
從頭細數風流處萬般堪聽萬般堪聽

解三醒

論春月最宜佳景總一團和氣盈盈佳人笑道歡心稱
佳初月淡傷神照樓臺歌館聲偏細映院落鞦韆夜轉

深移花影真箇是惱人春色好夢難成

油葫蘆

論夏月可人心性對蓮池紅妝臨鏡柳梢頭纔上大街
靜又早人約黃昏

解三醒

論秋月四時偏勝到中秋分外精神詩人不盡南樓興
鬧絲竹奏清音銀盤彩漾蓮花白金粟香浮桂子清寒
光瑩真箇是玲瓏七寶表裏通明

油葫蘆

論冬月倍加清耿與馮夷六花爭勝玉團瓊屑交相映

此鏡在起銀煙

月以秉時端自照流

榮。善秋。月。四。府。偏。勝。

到中秋分外輝。空。法。輝。

秀。務。多。人。真。聖。德。嗣。

形。又。如。似。彩。漢。道。

花。白。金。粟。香。浮。桂。子。香。

空。光。映。真。箇。已。玲。瓏。

七。字。表。程。通。明。夢。

冬。月。梅。梢。淡。秋。馬。馬。

素。六。花。爭。勝。玉。園。櫻。

層。交。打。時。喚。此。人。理。甚。

夢。遠。秦。樓。月。必。俱。同。

此。揚。升。卷。先。生。詞。也。

占盡了天地澄清

解三醒

秦樓月與簫聲並冷。緜山月共笙韻雙清。西江月醉曹
滿恨。牛渚月泛袁宏梁園月賦音塵絕。長安月練搗秋
風萬戶砧。人間境最堪憐。曉行殘月茅店雞聲。

油葫蘆

娥池月妖嬈倍增羅浮月夢醒參橫瑤臺月舞青鸞影
海棠月高燭燒銀

解三醒

初生月蛾眉鈎勻將曉月弓彎西嶺上弦月參差匣露

此兒鏡暈華月擁祥雲南浦月彩雲夢斷歌蘇小廣寒
月一箇霓裳舞太真重思省總不如西廂待月斷送鶯
鶯

油葫蘆

梨花月溶溶滿庭楊柳月低照樓心蹁躑舞影梅梢月
下香成陣梧桐月朱門犬吠金鈴

解三醒

是恁的萬般清景。都是明月妝成。月如無限長圓滿
不似那世人情。今人不見當時月。今月曾經照古人心
無盡。怎能勾把嫦娥喚。應問箇分明。

尾聲

月團圓人歡慶天上人間一般情但願長把金樽和月飲

二犯桂枝香

文衡山

桂枝香韶光似酒醉花酣柳無端幾許閒愁博得芳容消瘦四時花休休雲情雨意無盡頭三春有約君記否倚欄杆凝翠眸皂羅袍寫見有偶燕兒有儔青鸞孤影教人可羞桂枝香薄倖今何在空餘燕子樓

前腔

池塘晝永薰風南送春纔捲撥冰絃懶把霜紈搖動肩

蜂堆堆積積愁萬里相思往事如夢中好姻緣難再續竹搖翡翠榴噴火紅荷香浮動綠陰正濃自別東君後金尊幾度空

前腔

小圓冰鏡疎星耿耿良宵院落沉沉立盡梧桐清影傷情西風敗葉和鴈聲銀屏冷落秋漸深數歸期心暗驚紅蓮落盡黃花滿庭海棠開後望伊到今恨殺音書斷秦樓怕有人

前腔

鴛鴦霜重翠衾寒擁香腮半貼珊瑚一線紅泉將凍浮

踪飄揚柳絮心性同無些半繩西復東海山盟都是空
窻兒外月壁兒裡風相思滋味這回轉濃正好朦朧睡
寒山寺已鐘

八聲甘州

顧冲菴

幽思悄悄這般心不真不假教人難曉風塵行徑又何
妨蝶友蜂交你本是楊花性兒逐處飄休認做飛絮沾
泥難動搖聽着爲何因不把柳葉眉描

不是路

意穰心勞不識事丫頭教甚喬轉煎熬你情郎曾許報
瓊瑤到今朝他錦鱗不見雙魚兆我銅雀烏能鎖二喬

猶桀驁輕輕快脫紅綃襖任娘訓教任娘訓教

解三醒

打着你嘔強無端性不好打着你出語傷人太撒嬌打
着你人來未肯先厮呌打着你客至方纔整鳳翹打着
你能歌懶把紅芽拍打着你慣舞慵將翠袖調教娘惱
全不啻你花容易損我老景蕭條

前腔

再不敢綺席停杯先睡早再不敢故繡香囊把客拋再
不敢倚門悶坐無歡笑再不敢姊妹相爭鬪氣高再不
敢輕將心事人前告再不敢暗約情郎背地逃深深告

望娘行息怒乞恕兒曹

皂所允

自歸房珠淚暗拋這羞慚顛天無告恨玉魁負却桂英
豈趙郎肯憐蘇小想他們太虧心忒短行終有日定遭
天報合口兒怨着心兒想着問天天知甚日得似周韶

前腔

恨紅顏忒恁命薄剛落在烟花圈套年紀幼看作嬌花
稍衰殘便同野艸想前生作甚非行甚反爲甚惡受茲
業報合體兒又嬌性兒又傲問天天知甚日得同琴操

尾聲

柔腸寸寸如刀攪除非命付雕梁方罷却羞殺我紅粉
青樓沒下稍

畫眉序犯二郎神

三

陸包山

烟暖杏花明芳草東風燕子輕羅袖上傷春數點啼痕
錦被空閒鴛鴦帳冷對妝臺雲鬢倦整形孤另撇不去半
床幽夢一枕離情

集賢賓犯鶯兒

香肌瘦怯春病深正海棠庭院黃昏滿徑瀟瀟寒月影
畫欄杆和悶閒凭風清露冷空立遍碧梧金井有離人
紫簫何處吹出斷腸聲

皂羅袍犯排令

漸覺腰肢寬褪恨冤家頓忘了海誓山盟佳期許我梅
花未生到如今牡丹開後無音信鬆金釧倚畫屏幾回
目斷暮山青思千縷嘆鼓聲野雲江樹總關情

香柳娘犯姐姐

看銀燈半滅看銀燈半滅玉爐烟盡冷冷清清擁抱寒衾
枕謾傷心哽咽謾傷心哽咽蛾眉爲誰顰玉容爲誰損
正孤眠未穩正孤眠未穩子規何處鳴愁無盡聲聲訴
與離人聽又被簷鈴將好夢驚

滴溜子犯園林

憑誰訴憑誰訴默默此情幽窓下幽窓下針線謾停繡
到鴛鴦交頸又滴下相思淚幾點濕透羅襟空對景謾
傷情空對景謾勞神

虎僥令犯鶯墜

娘行難離側侍妾謹隨身總有音書無魚雁誰肯把針
兒將線引薄情人須記得香羅帕上萬種恩情

醉翁子犯多嬌令

夜靜抱銀箏把冰絃謾整又彈出鴛鴦孤燕寡鳳拆鸞分
追省恨只恨當初花下相逢眼底情風又清月又明枉
把青春虛度了美景良辰

尾聲

漏遲遲昏曉醒繡簾外重門寂靜深鎖着一天秋悶

步步嬌

董玄宰

一夜梧桐金風剪敗葉空廊戰離愁有萬千夢入蘭心
芳香不變目斷碧雲天把西樓東角閑凭遍

忒忒令

記初見在春風繡筵又驀遇在夜香庭院花枝嫋嫋似
趁風兒顫人藜裡信難傳又誰知背畫欄把秋波暗轉

尹令

自別去心留意眷再沒處尋方覓便誰道渡頭重面還

似舊時迷戀路整藍橋肯負前生未了緣

品令

娘行爲何再入武陵源池亭深處恰是降飛仙幽期密
訂去留多腴腆太湖石畔只恐怕他人瞧見帶綰同心
共結東林低樹邊

豆葉黃

夜深沉漏滴銀鎖兒空聯挽青鸞翅入重樓挽青鸞翅
入重樓親受用香湯玉軟一時纏綰釵橫鬢偏眞箇是
水雲中的鷓鴣眞箇是水雲中的鷓鴣看遺却花鈿零
落在銀屏錦鞦

玉交枝

舞衫歌扇載卿卿。西江畫船紅衣濕處。清波濺竝頭開。
徹雙蓮絲絲柳條風渚。牽瀟瀟竹影溪雲淺。擁鴛衾落
月未眠。酒初醒猶聞香喘。

月上海棠

最可憐歡娛未了。生離怨恨。片帆東去甚。日重還霎時。
間翠減香銷。頃刻裡山長水遠。重發願願年年相見。勝
似今年。

江兒水

江水明於練。秋雲薄似綿。奈扁舟飄忽如飛箭。看床頭

翠被餘香。捲囊中秀髮。和愁纏。怕覩社前歸燕。何日重
來還向舊家庭院。

川撥棹

詩題絹淚斑斑。成翠蘚。夜迢迢展轉無眠。夜迢迢展轉
無眠。洞房虛。孤燈慘然似枯枝。泣露蟬似風花。哭杜鵑。

嘉慶子

腸斷箜篌第五弦。奈萬事傷心在眼前。總風波倏起。平
川總風波倏起。平川誓把衷心鐵石堅。願頻頻音信傳。
莫教人眼望穿。

尾聲

歸舟有日還重見那時節錦堂懽宴銀燭高烧繡帳懸
金絡索十五
楊升菴
輕烟拂柳芽紅入薔薇架病掩重門最是春來怕不知
郎去在誰家歌舞青樓戀着他却恨濃雲薄雨遮人面
怨蝶愁蜂老歲華心頭事短長難寄到天涯空教人貌
減梨花性減楊花浴落了風流話

前腔

荷花蕩日華湘簾閒朱夏燕語鶯啼總是傷春話晝長
睡不穩窓紗恨倚雕闌日又斜未乾別淚重重滴不斷
誰愁轉轉加相思病當初却恨是誰差空教人心戀蕊

花眼戀榴花問什麼行人卦

前腔

西風捲暮霞望裡山如畫落葉瀟瀟幾陣窓兒下扶疎
青鬢怨年華粉褪朱消只自嗟怕人孤枕風偏冷照我
無情小似他魂漂蕩幾番和鴈度汀沙空教人嬌怯寒
花瘦怯黃花叫着他名兒罵

前腔

彤雲點點遮暮雪紛紛灑坐對寒檠香冷黃金鴨如今
方信是冤家害盡相思只爲他逢人欲問天邊信見面
終朝眼上爬風流債多應宿世帶嗟呀空教人白怕梅

花紅怕茶花脂粉心都丟罷

步步嬌

三

宗方城

歡喜冤家難相離鎮日心縈繫衷腸訴與誰不合情多
惹下相思淚笑我自痴迷眼睜睜不見傷州例

江兒水

想起初逢日乍見時指山高海濶爲盟誓似漆投膠相
粘住如糖拌蜜甜言語哄得我輸情輸意今日裡苦淡
酸辛都做了愁中滋味

園林好

起初時願白首終身靠伊到如今剩隻手孤身靠誰早

知你口是心非把山盟做地上泥將海誓爲溝中水

川撥棹

悔悔後應遲悔之又悔病纏身都爲你瘦怯怯強自支
持瘦怯怯強自支持病懨懨無方療醫負心的人易欺
負心的天怎欺

前腔

喜喜那當時喜之又喜兩情濃無彼此情纏纏酒勸金
危情纏纏酒勸金危意綢繆春生繡幃得便宜你自知
落便宜我自知

五供養

恩情說起似鸞交鳳友相偎惟嫌夜短恁歡娛那知更
籌又起一般樣銅壺漏水今夜裡聽來下滴偏遲衾寒
心獨苦枕冷淚雙垂翻來覆去夢遶魂迷

僥僥令

信無三月雁愁有五更雞把萬恨千愁重題起都鎖在
纖纖兩道眉

前腔

閑中空懊惱靜裡細尋思想起負德辜恩無如你受盡
了凄凉再有誰受凄凉更有誰

尾聲

芳心已作沾泥絮不逐東風上下飛一任鶯老花殘春
自歸

桂枝香

唐伯虎

蓮臺漏啓薰籠香細寒生小閣春殘人在遼陽天際鞦韆
影度牆鞦韆影度牆無奈芳心搖拽又度了一番花
事到薔薇摘花浸酒春愁重燒竹煎茶夜臥遲

前腔

紅樓凝思綠陰鋪地輕黃落盡蟾鬚淡粉烘乾蝶翅見
雕梁燕兒雕梁燕兒呢喃學語困人天氣薄情的何處
章臺路飛花襯馬蹄

前腔

芳春將去玉人歸未心隨柳絮飄揚貌與梨花憔悴幽
閨夢迷幽閨夢迷怎識關河迢遞音書難寄意如癡惟
殺雙鷓鴣橫塘相並飛

前腔

封侯未遇王孫何處綠楊葉底黃鸝紅杏枝頭杜宇情
芳春又歸芳春又歸滔滔逝水欲留無計漏聲遲宿鳥
驚枝處殘燧落燼時

啄木兒

黃葵揚

春歸後花正卉簾幙風柔晝永時向南陌似錦鋪地積

見香車寶馬爭馳聽一派簇擁笙歌沸滿城人都往西
郊去莫負韶光十二時

前腔

東風軟麗日遲萬紫千紅奪錦綺偷香蝶上下翻翻呢
喃燕子雙飛海棠風雪梨花雨荼蘼架畔鞦韆戲喜殺
當年揚貴妃

賣花聲

國色天香有誰憐惜淡抹濃妝絳唇解語柳窺青眼嬌
波滴長言道花艷無多日比椿萱常不異

前腔

杜鵑在山嶺啼啼不住留春住蝴蝶遶裙飛捨不得餘
香味躲閃在萬花叢裡怎禁得人胡覷被海棠荆棘扯
住羅衣

尾聲

自不能留春住空把遊情牽繫明歲還來知也未

鬪寶蟾

陳太升

點檢梅花見南枝春信漏泄今宵雪模糊可堪半壓寒
稍依稀暗香動且浮疎英嫩又嬌正無聊着意看花那
又被花相惱

前腔

清曉眉黛無慵描整殘粧無語向花微笑惜花人此時
信寥寥凭欄天寒綳袂薄風輕繡帶飄自今朝一捻腰
肢寬掩翠裙多少

忒忒令

任雪花梅英聞巧憔悴人暗傷懷抱此情若與天知道
離恨比天更高果然是天知道和天也瘦了

五供養

青山頓老誰收拾滿地瓊瑤蒼茫冬暮景舉目總蕭條
笑我因花起早聽滿耳靈禽喧噪不報些兒喜惹煎熬
北風吹面利如刀

好姐姐

一交黃昏靜悄孤另另銀缸相照把燈兒慢挑和衣剛
睡着誰驚覺聲寒指冷難成調偷弄飛瓊碧玉簫

川撥棹

難猜料自來這讀書人心性喬早牒上金屋姿嬌早牒
上金屋姿嬌頓忘了臨邛故交漢相如恩愛薄草文君
緣分少

錦衣香

瓊珊了錦字詩差錯了瑤琴操鏡分了一交股金帶折了
連環套鳳凰簪蹀躞玳瑁那得空牢把花蕊上不通潮

傷心總是雨葉風條連枝樹近來也生成快種愁苗魚
鴈無消耗水瀾山高紅絲繫足誰把米刀雙攪

漿水令

不索把空蒼禱告一任他傍人戲嘲盟香夜夜對天燒
憂情未訴意攘心勞從前誓都忘却只求眼下他來到
鴛鴦被鴛鴦被重薰麝腦銷金帳銷各帳共飲香醪

尾聲

愁容等得生歡笑愁甚麼暮冬天道番成月夕花朝

桂枝香

世

張肖甫

因他別後懨懨消瘦粉褪了雨後桃花帶寬了風前楊

柳這相思怎休相思怎休害得我天長地久難禁難受
泪痕流淌破芙蓉面却似珍珠斷線頭

不是路

萬種風流今日番成一段愁淚盈眸雲山滿目恨悠悠
漫追求情如柳絮風前舞性似桃花逐水流沉吟久因
他數盡殘更漏恁般倜傥恁般倜傥

長拍

霧鎖秦樓霧鎖秦樓雲迷楚岫御溝紅葉空流偷香韓
壽錦帳中枉自綢繆慶破兩眉頭小蠻腰瘦如楊柳淺
淡櫻桃樊素口空教人目斷去時舟又不知風流浪蕩

子何處溫柔

短拍

月下砧幽月下砧幽風前笛奏斷腸聲無了無休搗碎
我心頭又加上一場症候頓使我愁人不寐襄王夢雨
散雲收

尾聲

薄情忘却神前呪一度思量一度愁把往日恩情付水
流

新水令

祝枝山

一春無事爲花愁對東風轉添憔悴盼多才難割捨對

景謾追遊歲月如流歲月如流心上事今非舊

步步嬌

獨掩紗窓空把香囊綉無語沉吟久香閨淚暗流自恨
無緣將好事難成就何處訴離愁淚珠兒濕透羅衫袖

折桂令

這幾日爲傷春懶上妝樓所事兒一一難留對人前把
精神強抖飲食不週想當初實指望天長地久到如今
空惹下蝶怨蜂愁情思悠悠無了無休空辜負畫堂前
柳媚桃嬌挨不過繡幃中日暖風柔

江兒水

玉腕常虛溜湘裙過掩頭今春更比前春瘦見雙雙燕
子歸來後悶恹恹鬼病相纏守無限淒涼傷恁靜掩重
門捱幾個黃昏時候

鳩兒落

空對着碧溶溶一影篝暗數着靜悄悄三更漏圍伴着
薄怯怯翡翠衾空倚着香馥馥黃金獸纔要做一個團
圓夢又被那子規聲在窓外頭看看月轉過鞦韆架又
被那曉鶯聲送我愁休再不索閒窮究甚的因由不是
冤家不聚頭

僥僥令

繡幙珠簾懶上鈎。日午倦梳頭。一任釵橫雲鬢亂。淚灑春山兩臉愁。

收江南

呀。早知道這般樣。春光虛度呵。何日裡訴離愁。俺只見過時桃杏不經秋。你如今好休。俺如今好丟。只恐怕文君不比舊風流。

園林好

海山盟全不應。口說的話都成怨。雙負心約蒼天不祐。須有日看傍州。須有日看傍州。

沽美酒

嘆春光似水流。嘆春光似水流。不覺的一年休。俺只見雨雨風風暗結愁。紅雨散綠雲收。鶯儔燕子報新秋。不明白冤家拋人在腦後。甚日裡得佳期。成就不記得拈香設呪。我呵俺和你志投意投。那些兒不投呀。要相逢甚時能殼。

清江引

多才不來添煩惱。自覺香閨悄。懨懨病轉加。害得沒分曉。一天愁待他來都散了。

甘州歌 三

羅念菴

歸來未晚。兩扇門兒。雖設常關。無紫無絳。直睡到紅日。

三竿情知廣寒無桂攀。不如向綠野堂前學種蘭。從人笑貧似丹黃金難買。此身閑村庄學一味懶清風。明月不須錢。

前腔

携筇傍水邊。嘆人生。翻覆一似波瀾。不貪不愛。只守着。綠中流。年。蓋。盛歲月。一日一兩餐。茅舍疎籬三四間。田園少心地寬。從來不會皺眉端。居顏巷人到罕。閉門終日枕書眠。

解三醒犯

把黃梁懶炊香飯。恁教他恣遊邯鄲。假饒位至三公顯。

怎如我野人閒。朝思暮想人情一似掌樣翻。試聽得狂士接輿歌未闌。連雲棧亂石灘。烟波名利大家難。收馮鉞築傳版。儘教三箭定天山。

前腔

嘆浮生總成虛幻。又何須苦自熬煎。今朝快樂今朝宴。明日事且休管。無心老漢一任蓬鬆兩鬢斑。直喫到綠酒牀頭磁瓮乾。妻隨唱子戲斑。弟酬兄勸共團圓。與和廢長共短。梅花窗外冷相看。

尾聲

嘆目前機關。漢色聲香味任他瞞。長笑一聲天地寬。

錦纏道 三

沈青門

滿帆風吹不動離人小船愁重滯江邊
盼相思盈盈一水春天我想他別時
言送時情行時淚眼怎教人不恨
迷離意馬心猿說什麼好姻緣
這破題兒是柳愁花怨江關
信杳然何日覩桃花人面
怕夢魂依舊在清源

普天樂

記銀燈思金釧鳳鸞交
翠蝶戀青樓上青樓上錦帳瓊
筵今番做怨鶴啼鴉是當初
偶然再休題抱琵琶醉我
花前

古輪臺

艷陽天隔墻裙底
美鞦韆笑歌聲淺孤蓬裡
有客鬢梳對此春光
番惹出一段熬煎
燕解離愁鶯知別怨
一雙雙宛轉
詭江烟又恍是傳消息
把佳期約在明年
怕只怕一灣流水
半窓殘月幾村漁火
寂寞對愁眠
難消遣一瓶香
煮惠山泉

尾聲

彩雲望斷春波遠
空寄鸞箋鳳柬
只落得心在章臺淚
滿船

山坡羊 三五

王鳳洲

風兒疎漱漱吹動雨兒飄
浙泠泠風送雨兒淒楚
風兒

橫繡幙中燈兒一點紅燈兒照破照破人兒夢夢繞巫
山若箇峰朦朧徘徊兩意濃匆匆歡娛一霎空

皂羅袍

翠被今宵寒重聽蕭蕭落葉亂走簾櫳綠雲堆枕鬆蓬
却不知溜却金釵鳳惱人階下淒淒候蟲驚心樓上當
當曉鐘無端畫角聲三弄

解三醒犯

最無奈更長漏永怎支吾恨多愁冗夜深私語無人共
他那裡驟青驄笙歌醉迎花咲擁多應在蘇小湖頭柳
市東放情一時採遍芳叢

